

Херцеговина као саставном дијелу процеса имплементације мира;

Констатујући, као примјер наведеног придавања значаја, ријечи којима је Савјет за имплементацију мира на конференцији одржаној у Лондону 4. и 5. децембра 1996. године поздравео обећање органа власти у Босни и Херцеговини да ће да донесу законе у областима међу којима је и банкарство; констатујући такође и став 44.а) Декларације са министарског састанка Управног одбора наведеног Савјета одржаног у Луксембургу, 9. јуна 1998. године, на којем је Одбор примијетио да је потребно донијети нове законе у области банкарства у оба ентитета; такође констатујући позив органима власти у Босни и Херцеговини који је упутио наведени Савјет, на састанку у Бриселу, 23. и 24. маја 2000. године, да у цијелој земљи ускладе свој приступ у неколико области, укључујући и банкарство;

Констатујући да се Законом о Агенцији за банкарство Федерације Босне и Херцеговине ("Службене новине Федерације БиХ", број 9/96, 27/98, 20/00, 45/00, 58/02, 13/03), (у даљњем тексту: Закон о Федералној агенцији за банкарство), оснива Агенција за банкарство Федерације Босне и Херцеговине (у даљњем тексту: Агенција за банкарство) како би се унаприједила безбједност, квалитет и законит рад тржишно оријентисаног и стабилног банкарског система Федерације Босне и Херцеговине;

Констатујући надаље да је према том закону, мандат чланова Управног одбора, те директора и замјеника директора Агенције за банкарство које је именовао Парламент Федерације Босне и Херцеговине на пет година истекао 21. односно 5. септембра 2005. године;

Имајући на уму да Представнички дом Парламента Федерације Босне и Херцеговине, на сједници одржаној 19. јула 2006. године, није именовао директора, замјеника директора и чланове Управног одбора Агенције за банкарство;

Свјестан да је за надзор над банкарским сектором неопходна банкарска агенција која је оперативна у сваком тренутку;

Жалећи због чињенице да Парламент није успио да десет мјесеци након истека мандата директора, замјеника директора и Управног одбора именује лица на ове функције;

Увјерен да се законом мора предвидјети механизам којим ће се гарантовати непрекинут рад оваквих кључних институција као што су агенције за банкарство тако што ће да обезбједи да носиоци главних функција који одлазе са тих функција наставе да обављају своје дужности све док орган надлежан за именовање не изврши нова именовања;

Узевши у обзир и размотривши све наведено, високи представник доноси следећу

ОДЛУКУ

КОЈОМ СЕ ДОНОСИ ЗАКОН О ИЗМЈЕНАМА И ДОПУНАМА ЗАКОНА О АГЕНЦИЈИ ЗА БАНКАРСТВО ФЕДЕРАЦИЈЕ БОСНЕ И ХЕРЦЕГОВИНЕ

("Службене новине Федерације БиХ", број 9/96, 27/98, 20/00, 45/00, 58/02, 13/03)

који се налази у прилогу ове Одлуке и чини њен саставни дио.

Тај закон ступа на снагу као закон Федерације Босне и Херцеговине даном предвиђеним у члану 4. Закона, на привременој основи, док га Парламент Федерације Босне и Херцеговине не усвоји у истом облику, без измјена и допуна и без додатних услова.

Ова Одлука ступа на снагу одмах и одмах се објављује у "Службеним новинама Федерације БиХ".

Број 23/06
3. августа 2006. године
Сарајево

Високи представник
др **Christian Schwarz-Schilling**, s. r.

ЗАКОН

О ИЗМЈЕНАМА И ДОПУНАМА ЗАКОНА О АГЕНЦИЈИ ЗА БАНКАРСТВО ФЕДЕРАЦИЈЕ БОСНЕ И ХЕРЦЕГОВИНЕ

Члан 1.

У члану 12. иза става 1. додаје се нови став 2. који гласи:

"Директор, замјеник директора и чланови Одбора наставиће да обављају своје дужности до момента када Парламент именује лица која ће их замијенити у складу са чл. 8. и 10. овог закона."

Члан 2.

Овај Закон ступа на снагу одмах, а примјењује се од 5. септембра 2005. године. Овај Закон се одмах објављује у "Службеним новинама Федерације БиХ".

PARLAMENT FEDERACIJE BOSNE I HERCEGOVINE

552

Na osnovu člana IV. B. 7. a) (IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O IZMJENAMA I DOPUNAMA ZAKONA O POČETNOM BILANSU STANJA PREDUZEĆA I BANAKA

Proglašava se Zakon o izmjenama i dopunama Zakona o početnom bilansu stanja preduzeća i banaka koji je donio Parlament Federacije BiH na sjednici Predstavničkog doma od 19. jula 2006. godine i na sjednici Doma naroda od 12. jula 2006. godine.

Број 01-02-572/06
11. августа 2006. године
Сарајево

Predsjednik
Niko Lozančić, s. r.

ZAKON

O IZMJENAMA I DOPUNAMA ZAKONA O POČETNOM BILANSU STANJA PREDUZEĆA I BANAKA

Члан 1.

U Zakonu o početnom bilansu stanja preduzeća i banaka ("Службене новине Федерације БиХ", br. 12/98 i 40/99) u članu 1. na kraju teksta tačka se zamjenjuje zarezom i dodaju riječi: "osnivanje Direkcije za upravljanje pasivnim podbilansom preduzeća i banaka (u daljnjem tekstu: Direkcija), Centralnog registra stvari i prava iz pasivnog podbilansa i obaveza privatiziranih preduzeća/banaka (u daljnjem tekstu: Centralni registar), kao i istraživanje, prikupljanje i dostava dokumentacije za pasivni podbilans."

Члан 2.

U članu 3. stav 1. riječi: "se, u skladu sa posebnim propisima" zamjenjuju se riječima: "nadležna agencija za privatizaciju."

Stav 3. briše se.

Dosadašnji stav 4. postaje stav 3.

Члан 3.

Члан 19. briše se.

Члан 4.

U članu 20. stav 1. mijenja se i glasi:

"Preostale stvari, prava i obaveze u pasivnom podbilansu kao i stvari, prava i obaveze koje preduzeće nije iskazalo i/ili koje su prodate od strane preduzeća po izvršnosti programa privatizacije, a za koje se naknadno utvrdi da su trebale biti iskazane u Početnom bilansu preduzeća, postaju vlasništvo Federacije/kantona, odobrenjem programa privatizacije i početnog bilansa stanja od strane nadležne agencije za privatizaciju."

Iza stava 1. dodaje se novi stav 2. koji glasi:

"Način prijenosa prava vlasništva nad imovinom iz stava 1. ovog člana propisat će Vlada Federacije Bosne i Hercegovine (u daljnjem tekstu: Vlada Federacije) u roku od 30 dana od dana stupanja na snagu ovog zakona."

Dosadašnji st. 2. i 3. postaju st. 3. i 4.

Član 5.

U članu 35. stav 1. mijenja se i glasi:

"Preostale stvari, prava i obaveze u pasivnom podbilansu, kao i stvari, prava i obaveze koje banka nije iskazala i/ili koje je banka prodala nakon izvršnosti programa privatizacije, a za koje se naknadno utvrdi da su trebale biti iskazane u Početnom bilansu stanja banke, postaju vlasništvo Federacije, odobrenjem Programa privatizacije i početnog bilansa od strane nadležne agencije/organa."

Član 6.

Iza člana 35. dodaje se novi član 35a. koji glasi:

"Član 35a.

Nadležne agencije za privatizaciju su dužne formirati registar pasivnog podbilansa iz svoje nadležnosti, evidentirati, ažurirati, istraživati i prikupljati dokumentacionu osnovu za stvari, prava i obaveze iz pasivnog podbilansa za:

- 1) stvari i prava sa pripadajućim kapitalom preduzeća iz člana 1. Zakona o privatizaciji preduzeća, koja nisu pod kontrolom preduzeća te nisu bila uključena u aktivni podbilans, a nalaze se na teritoriji država nastalih raspadom bivše Socijalističke Federativne Republike Jugoslavije (u daljnjem tekstu: SFRJ),
- 2) potraživanja i obaveze nastale do 31.03.1992. godine, prema pravnim licima iz država nastalih raspadom bivše SFRJ.

Agencija za privatizaciju u Federaciji Bosne i Hercegovine (u daljnjem tekstu: Agencija za privatizaciju) obavezna je da formira, kontinuirano ažurira i vodi Centralni registar stvari, prava i obaveza iz pasivnog podbilansa u skladu sa stavom 1. tač. 1) i 2) ovog člana.

Kantonalne agencije za privatizaciju su obavezne u elektronskoj i pisanoj formi dostavljati Agenciji za privatizaciju podatke koji čine sastavni dio Centralnog registra.

Dokumentacionu osnovu i podatke iz Centralnog registra, Federalno ministarstvo finansija i Agencija za privatizaciju su dužni dostaviti Direkciji najkasnije u roku od 90 dana od dana osnivanja Direkcije i nakon toga sve promjene u Centralnom registru dostavljati Direkciji."

Član 7.

Iza novog člana 35a. dodaje se novo poglavlje: "IIIa. - UPRAVLJANJE PASIVNIM PODBILANSOM PREDUZEĆA I BANAKA" i novi čl. 35b. do 35k. koji glase:

"IIIa. - UPRAVLJANJE PASIVNIM PODBILANSOM PREDUZEĆA I BANAKA

1. Direkcija za upravljanje pasivnim podbilansom preduzeća i banaka

Član 35b.

Poslove upravljanja pasivnim podbilansom preduzeća i banaka obavlja Direkcija.

Direkcija je samostalna specijalizovana organizacija Federacije sa sjedištem u Sarajevu.

Djelatnost Direkcije je zaštita stvari, prava i obaveza iz pasivnog podbilansa preduzeća i banaka.

Član 35c.

U okviru svoje djelatnosti Direkcija:

- inicira i učestvuje u pripremi donošenja zakona i drugih propisa na zaštitu stvari, prava i obaveza iz pasivnog podbilansa preduzeća i banaka,
- saraduje sa vladama, ministarstvima i drugim organima i organizacijama država nastalih raspadom bivše SFRJ,
- saraduje sa nadležnim ministarstvima, kantonima, agencijama za privatizaciju, pravobranilaštvima i drugim organima i organizacijama iz svoje nadležnosti utvrđene ovim zakonom,
- vodi evidencije i statistike u okviru svog djelokruga,
- podnosi izvještaje iz svoje djelatnosti Vladi Federacije najmanje jedanput godišnje,
- vrši savjetodavne, edukativne i druge stručne poslove u skladu sa zakonom,

- obavlja i druge poslove utvrđene zakonom i drugim propisima.

Član 35d.

Direkcija, u okviru svoje nadležnosti, ima javne ovlasti za donošenje općih i pojedinačnih akata.

Upravni nadzor nad povjerenim javnim ovlastima vrše ministarstva i Vlada Federacije.

2. Upravljanje i rukovođenje Direkcijom**a) Upravni odbor**

Član 35e.

Direkcijom upravlja Upravni odbor. Upravni odbor se sastoji od predsjednika i četiri člana. Upravni odbor imenuje i razrješava Parlament Federacije Bosne i Hercegovine (u daljnjem tekstu: Parlament Federacije), na prijedlog Vlade Federacije.

Članovi Upravnog odbora imenuju se na period od četiri godine.

Član 35f.

Upravni odbor Direkcije:

- donosi Statut Direkcije,
- donosi poslovnik o radu,
- donosi akt o unutrašnjoj organizaciji Direkcije,
- donosi finansijski plan Direkcije,
- donosi program rada Direkcije,
- usvaja završni račun Direkcije,
- podnosi izvještaj o radu Direkcije,
- donosi metodologiju i druge opće akte iz nadležnosti Direkcije u skladu sa zakonom,
- obavlja i druge poslove u skladu sa zakonom i Statutom Direkcije.

b) Nadzorni odbor

Član 35g.

Nadzor zakonitosti rada i finansijskog poslovanja Direkcije provodi Nadzorni odbor.

Nadzorni odbor se sastoji od predsjednika i dva člana koje imenuje i razrješava Parlament Federacije.

Članovi Nadzornog odbora imenuju se na period od četiri godine.

Nadzorni odbor podnosi Parlamentu Federacije izvještaj o svom radu najmanje jedanput godišnje.

c) Direktor

Član 35h.

Direkcijom rukovodi direktor. Direktora imenuje Parlament Federacije, na prijedlog Vlade Federacije, putem javnog konkursa na period od četiri godine.

Član 35i.

Direktor Direkcije:

- rukovodi Direkcijom,
- predstavlja i zastupa Direkciju,
- odgovara za zakonitost rada, pravilno i zakonito vođenje materijalno-finansijskog poslovanja Direkcije,
- obavlja druge poslove utvrđene zakonom, Statutom i drugim općim aktima Direkcije.

Član 35j.

Statutom Direkcije uređuju se:

- osnovi organizacije i poslovanja Direkcije,
- organi upravljanja i rukovođenja Direkcijom,
- zastupanje i predstavljanje Direkcije,
- zaposlenici s posebnim ovlaštenjima i odgovornostima,
- druga organizaciona pitanja,
- pitanja u vezi poslovanja Direkcije.

Statut Direkcije donosi Upravni odbor uz saglasnost Vlade Federacije.

Direkcija najmanje jedanput godišnje podnosi izvještaj o svom radu Upravnom odboru.

3. Finansiranje Direkcije**Član 35k.**

Sredstva za osnivanje i poslovanje Direkcije osiguravaju se iz:

- ostvarenih prihoda od stvari i prava iz pasivnog podbilansa,
- donacija i dotacija domaćih i međunarodnih organizacija,
- budžeta Federacije,
- naknada za izvršene poslove i prihoda iz drugih izvora."

Član 8.

U članu 36. stav 1. riječi: "5.000 do 10.000" zamjenjuju se riječima: "10.000 do 100.000"

Iza stava 1. dodaje se stav 2. koji glasi:

"Novčanom kaznom u iznosu od 10.000 KM do 100.000 KM kaznit će se, za privredni prestup preduzeće ili banka ako ne iskaže stvari, prava i obaveze iz pasivnog podbilansa, te ne dostavi dokumentaciju u skladu sa članom 35a. ovog zakona. "

U stavu 2., koji postaje stav 3., iza broja 1. dodaju se riječi: "i 2. ", a riječi: "500 do 1.000 " zamjenjuju se riječima: "1.000 do 10.000".

Član 9.

Postupci koji su pokrenuti u vezi stvari, prava i obaveza iz pasivnog podbilansa preduzeća i banaka do dana stupanja na snagu ovog zakona, kao i postupci po redovnim pravnim lijekovima koji su u toku, završit će se po odredbama Zakona o početnom bilansu stanja preduzeća i banaka.

Član 10.

Ovaj Zakon stupa na snagu narednog dana od dana objavljivanja u "Službenim novinama Federacije BiH".

Predsjedavajući Doma naroda Parlamenta Federacije BiH Slavko Matić, s. r.	Predsjedavajući Predstavničkog naroda Parlamenta Federacije BiH Muhamed Ibrahimović, s. r.
---	--

Temeljem članka IV. B. 7. a) (IV) Ustava Federacije Bosne i Hercegovine, donosim

UKAZ**O PROGLAŠENJU ZAKONA O IZMJENAMA I DOPUNAMA ZAKONA O POČETNOJ BILANCI STANJA PODUZEĆA I BANAKA**

Prolašava se Zakon o izmjenama i dopunama Zakona o početnoj bilanci stanja poduzeća i banaka koji je donio Parlament Federacije BiH na sjednici Zastupničkog doma od 19. srpnja 2006. godine i na sjednici Doma naroda od 12. srpnja 2006. godine.

Broj 01-02-572/06
11. kolovoza 2006. godine
Sarajevo

Predsjednik
Niko Lozančić, v. r.

ZAKON**O IZMJENAMA I DOPUNAMA ZAKONA O POČETNOJ BILANCI STANJA PODUZEĆA I BANAKA****Članak 1.**

U Zakonu o početnoj bilanci stanja poduzeća i banaka ("Službene novine Federacije BiH", br. 12/98 i 40/99) u članku 1. na kraju teksta točka se zamjenjuje zarezom i dodaju riječi: "osnivanje Direkcije za upravljanje pasivnom podbilansom poduzeća i banaka (u daljnjem tekstu: Direkcija), Centralnog registra stvari i prava iz pasivne podbilance i obaveza privatiziranih poduzeća/banaka (u daljnjem tekstu: Centralni registar), kao i istraživanje, prikupljanje i dostava dokumentacije za pasivnu podbilancu."

Članak 2.

U članku 3. stavak 1. riječi: "se, sukladno posebnim propisima" zamjenjuju se riječima: "nadležna agencija za privatizaciju."

Stavak 3. briše se.

Dosadašnji stavak 4. postaje stavak 3.

Članak 3.

Članak 19. briše se.

Članak 4.

U članku 20. stavak 1. mijenja se i glasi:

"Preostale stvari, prava i obveze u pasivnoj podbilanci kao i stvari, prava i obveze koje poduzeće nije iskazalo i/ili koje su prodane od strane poduzeća po izvršnosti programa privatizacije, a za koje se naknadno utvrdi da su trebale biti iskazane u Početnoj bilanci poduzeća, postaju vlasništvo Federacije/kantona, odobrenjem programa privatizacije i početne bilance stanja od strane nadležne agencije za privatizaciju."

Iza stavka 1. dodaje se novi stavak 2. koji glasi:

"Način prijenosa prava vlasništva nad imovinom iz stavka 1. ovoga članka propisat će Vlada Federacije Bosne i Hercegovine (u daljnjem tekstu: Vlada Federacije) u roku od 30 dana od dana stupanja na snagu ovoga zakona. "

Dosadašnji st. 2. i 3. postaju st. 3. i 4.

Članak 5.

U članku 35. stavak 1. mijenja se i glasi:

"Preostale stvari, prava i obveze u pasivnoj podbilanci, kao i stvari, prava i obveze koje banka nije iskazala i/ili koje je banka prodala nakon izvršnosti programa privatizacije, a za koje se naknadno utvrdi da su trebale biti iskazane u Početnoj bilanci stanja banke, postaju vlasništvo Federacije, odobrenjem Programa privatizacije i početne bilance od strane nadležne agencije/organa. "

Članak 6.

Iza članka 35. dodaje se novi članak 35a. koji glasi:

"Članak 35a.

Nadležne agencije za privatizaciju su dužne formirati registar pasivne podbilance iz svoje nadležnosti, evidentirati, ažurirati, istraživati i prikupljati dokumentacijsku osnovu za stvari, prava i obveze iz pasivne podbilance za:

- 1) stvari i prava s pripadajućim kapitalom poduzeća iz članka 1. Zakona o privatizaciji poduzeća, koja nisu pod kontrolom poduzeća te nisu bila uključena u aktivnu podbilancu, a nalaze se na teritoriju država nastalih raspadom bivše Socijalističke Federativne Republike Jugoslavije (u daljnjem tekstu: SFRJ),
- 2) potraživanja i obveze nastale do 31.03.1992. godine, prema pravnim osobama iz država nastalih raspadom bivše SFRJ.

Agencija za privatizaciju u Federaciji Bosne i Hercegovine (u daljnjem tekstu: Agencija za privatizaciju) obvezna je formirati, kontinuirano ažurirati i voditi Centralni registar stvari, prava i obveza iz pasivne podbilance sukladno stavku 1. toč. 1) i 2) ovoga članka.

Kantonalne agencije za privatizaciju su obvezne u elektronskoj i pisanoj formi dostavljati Agenciji za privatizaciju podatke koji čine sastavni dio Centralnog registra.

Dokumentacijsku osnovu i podatke iz Centralnog registra, Federalno ministarstvo financija i Agencija za privatizaciju su dužni dostaviti Direkciji najkasnije u roku od 90 dana od dana osnivanja Direkcije i nakon toga sve promjene u Centralnom registru dostavljati Direkciji. "

Članak 7.

Iza novoga članka 35a. dodaje se novo poglavlje: "IIIa. - UPRAVLJANJE PASIVNOM PODBILANCOM PODUZEĆA I BANAKA" i novi čl. 35b. do 35k. koji glase: